

碑銘永傳志節其詞曰
絕代生賢哲民助理播芳名
體負千般藝安人一槩平
何期壽限至蕃漢盡哀啼

晉故歸義軍節度左班首都頭知節院軍使銀青光祿大夫檢校
左散騎常侍兼御史大夫上柱國太原郡閭府君邈真讚并序

節度管內諸司都勾押孔目官兼御史大夫楊繼恩述

府君諱海員字大進幼閑聰敏早負殊能齠年智勇以過人壯歲
英靈而異衆故得□懷五德謙和守六禮之風體負三端抱直善
九流之訓儒門相繼實守道以安民盛族傳芳乃寬弘而得衆當
官清政四知不撓於終身□□均平三惑無聞於衆口軍資大庫
注任累年出納豈犯於纖埃破用盈公而剋己僉充節院虔心敬
仰於神明位列崇班忠諫每陳於逆耳豈期逝波來逼忽謝風燈